

古湘芹先生逝世一週年紀專刊

民國二十一年十月

漢氏題



湘芹古公事畧

公諱應芬字湘芹其先籍隸廣東梅縣後徙廣州居番禺遂爲番禺人公幼而穎異治經史詞章宿學稱之歸安朱彊邨按臨試經古置第一游庠旋食廩餼民國紀元前八年學於日本東京法政大學法政速成科會中國同盟會成立於是遂加盟致力革命時紀元前七年也既畢業歸爲廣東法政學堂編纂廣東諮議局成立爲書記長番禺縣令楊恕祺以非刑刑某女子議員糾舉之並可決禁賭案公與有力焉民國元年爲廣東都督府核計院長既瓊崖民軍叛變以公爲瓊崖綏靖處總辦平之歸爲都督府秘書二年討袁義師起與胡漢民朱執信應之師敗中華革命軍興乃往來於馬來半島香港澳門間任籌餉聯絡事嘗與執信謀以永固

商輪劫肇和軍艦藉攻廣州弗濟如滬踰年而有護法之役 總理將率海軍南下命公先以護法之旨宣示粵中將吏陳炯焜朱慶瀾等參衆兩院乃開非常國會於廣州選 總理爲大元帥命陳炯明率粵軍援閩餉械不繼止于漳州粵督軍莫榮新復謀通敵公將命如漳州以大義責陳旋師師還遂莫以陳爲廣東省省長公爲政務廳廳長非常國會復開於廣州選 總理爲大總統督師北伐出廣西師次桂林陳炯明靳不接濟乃決旋師改道至蒼梧召陳將解決後方供給事公力促陳往將發矣有尼之者卒不行公乃離職去方有事於滬聞六月十六日之變亟歸謁總理於黃埔永豐艦佐治軍書達旦不休居數月 總理乃命公如香港籌餉接濟各地討陳軍遂與鄧澤如諸同志謀結合滇桂粵各軍東下討陳陳潰奔惠州桂軍沈鴻英進據廣州陰有異圖江防會議之變省長胡

漢民幾遇害旋之港謀於公公立赴江門集粵中陸海各軍以備變 總理乃任命公爲大本營駐江辦事處全權主任及沈鴻英叛公率師敗之於三水既會攻叛軍沈榮光張希栻部於西江又敗之叛軍既平爲大本營行營秘書長隨 總理督師討陳於東江駐石龍石灘等處命公察視陣地師潰軍車沿鐵道倒駛誤衝座車車逆行不能止公未及登徒步至新塘雜軍車中還 總理以爲公已及於難矣公抵家足盡瘡委頓不能起 總理數致問公怡然若無所苦也十三年 總理督師北伐次韶州公出爲大本營財政部部長兼廣東財政廳廳長時東江南路盡陷於敵省會及西北諸邑防軍侵占稅收府庫爲空公苦心籌畫供億不絕 總理既逝滇桂楊劉叛變公與代行大元帥職權胡漢民密謀赴東江召討陳各軍還師討叛平之十四年國民政府成立以公爲委員兼廣東省政

府委員民政廳廳長共產黨既竊黨權嗾使地方椎埋游惰冒農會橫行鄉曲荼毒士民倡言共產有司不能制公患之乃設課吏館警官學校務養成通達治理暢曉黨義之士使爲地方官吏領導民衆奉行主義以弭赤禍十五年一月第二次全國代表大會公當選中央監察委員會委員受命之贛湘鄂勞軍既歸共產黨攘據黨權勢益熾十六年三月公越嶺如贛會蔣中正於九江謀清黨也蔣未決公持之堅乃如滬與鄧澤如張靜江吳稚暉謀議遂定乃還粵于是有四月十六日清黨之役國民政府定都南京公仍爲委員及財政部部長翌年公之日本歐美考察政治歸如京爲中央政治會議委員國民政府文官長十八年三月第三次全國代表大會公仍當選中央監察委員會委員中央政治會議委員居京二年政治軍事多所獻替而不能如其志屢辭文官長職不獲二十年一月

背癰疾發引病歸初蔣中正執政憑藉權勢專欲獨裁誅鋤異己不遺餘力旋且毀滅法紀拘禁中央執行委員國民政府委員立法院院長胡漢民於湯山公與中央監察委員鄧澤如蕭佛成林森聯名劾之不報於是中央執監委員非常會議開於廣州組民國政府以公爲常務委員既蔣氏悔禍和平統一會議開于滬派代表赴之公以牙疾不克行十月二十八日薨于位春秋五十有九公爲人誠懇端厚與人交無疾言厲色而論列黨國大計則必力持正義凜然若不可犯事親孝居介南公之喪每語人曰吾五歲而喪母今越五十年並吾父而不可見矣語已輒泣然少與史古如堅如兄弟執信游交最深恒討論革命堅如殉難嗒然爲之絕酬應者逾年與執信共患難尤久執信殉難撫其孤如所出嘗於其宅闢一門互通往來爲一家然歷要職用人必先同志其私親往往不及也生平

無私蓄調恤窮乏輒盡其所有雖稱貸不少恡疾革時自傾其囊得鈔票四百五十圓舉以授其夫人曰吾父同懷惟一姑在老矣常思有所遺今以授若爲我益足五百圓之數以與之臥疾猶以外交情形和議問題屢詢左右侍疾者瀕危之日仍索閱報紙神明不衰遺囑於黨國危機殷殷致慮焉事聞國府震悼明令褒揚給治喪費一萬圓派員治喪國葬如儀生平著作多散佚存者有雙梧桐館詩文集凡若干卷 大元帥東征日記一卷

按公生平事實倉卒間搜集不全謹記其畧如右

國府委員古公治喪處謹述

國民政府委員古公之碑

公諱應芬字湘芹其先藉廣東梅縣後徙廣州曾祖諱佳寧始占藉番禺祖諱定楊以武功授千總擢守備考諱祖祺公幼而穎異治經史詞章宿學稱之歸安朱彊邨按臨試經古置第一游邑庠旋食廩餼學於日本東京法政大學法政速成科會中國同盟會成立遂加盟致力革命時紀元前七年也民國元年爲廣東都督府核計院長既瓊崖民軍叛變以公爲瓊崖綏靖處總辦平之歸爲都督府秘書二年討袁義師起公與朱執信漢民於滬商應援師敗 總理創立中華革命黨再謀討賊乃奔走馬來半島香港澳門間任籌餉聯絡事六年護法之役 總理命公先以護法之旨宣示粵中將吏參衆兩院乃開非常國會於廣州選 總理爲大元

帥命陳炯明率粵軍援閩餉械不繼止於漳州粵督軍莫榮新復謀通敵公將命如漳州以大義責陳旋師師還逐莫以陳爲廣東省長公爲政務廳長非常國會復開於廣州選總理爲大總統督師北伐出廣西師次桂林陳炯明抗命阻師乃決旋師改道至蒼梧召陳將解決後方供給事公力促陳往不聽公乃離職去滬聞六月十六日之變亟歸謁總理於永豐艦佐治軍書達旦不休居數日總理乃命公如香港籌餉接濟各地討陳軍遂與鄧澤如諸同志謀結合滇桂粵各軍東下討陳潰奔惠川桂軍沈鴻英進據廣州陰有異圖江防會議之變漢民幾遇害旋之港謀於公公立赴江門集粵中海陸各軍以備變總理乃任命公爲大本營駐江辦事處全權主任及沈鴻英叛公率師敗之於三水旋會攻叛軍沈榮光張希斌部於西江又敗之叛軍平爲大本營行營秘書長隨總理

督師討陳於東江十三年 總理督師北伐次韶州公出爲大大營財政部長兼廣東財政廳長時東江南路盡陷於敵省會及西北諸邑防軍侵占稅收府庫爲空公苦心籌畫供億不絕 總理既逝滇楊桂劉叛變時漢民代行大元帥職權公與漢民密謀赴東江召討陳各軍還師討叛平之十四年國民政府成立以公爲委員兼廣東省政府委員民政廳長十五年一月第二次全國代表大會公當選中央監察委員會委員受命之贛湘鄂勞軍既歸共產黨攘據黨權勢日熾十六年三月公越嶺如贛會蔣中正於九江謀清黨蔣未決公持之堅乃如滬與鄧澤如張靜江吳稚暉謀議遂定乃還粵於是有四月十六日清黨之役國民政府定都南京公仍爲委員及財政部長翌年公之日本歐美考察政治歸如京爲中央委政治會議委員國民政府文官長十八年三月第三次全國代表大會

公仍當選中央監察委員會委中央政治會議委員居京二年政治軍事多所獻替而不能如其志屢辭文官長不獲二十年一月背瘤疾發引病歸初蔣中正執政憑藉權勢專欲獨裁毀滅法紀誅鋤異己尤不遺餘力二月十八日拘漢民于湯山公與中央監察委員鄧澤如蕭佛成林森聯名劾之不報於是中央執監委員非常會議開于廣州組國民政府以公爲常務委員既而和平統一會議開于滬派代表赴之公以牙疾不克行十二月十八日薨于位春秋五十九公爲人厚重寡言平居與人無爭而臨大事則不可奪勇於行義成敗利鈍非所顧蓋以魯子敬之長厚而爲諸葛孔明之盡瘁故屢舉大事爲人所不能爲而天下益奇重之十六年八月南京政變粵中紙幣擠落軍政當局既決維持之策執行厲甚商人頗苦其擾公時長財政且在粵意雖弗善而不能梗衆議以是商人咸

歸怨于公公九月辭職赴滬然終身未嘗自明也其用人必先同志私親
往往不及生平無私蓄調恤窮乏輒盡其所有雖稱貸不少恡疾革時自
傾囊得鈔票四百五十元舉而授其夫人曰吾父同懷惟一姑在老矣常
思有所遺今以授若爲我益足五百元之數以與之臥疾猶以外交情形
和議問題屢詢左右侍疾者瀕危之日索閱報紙神明不衰遺囑于黨國
危機殷殷致慮焉事聞國府震悼明令褒揚給治喪費一萬圓派員治喪
是歲十一月二十九日寔於白山村銀牛尾岡之原國葬如儀
中華民國二十一年十二月七日

古湘芹先生逝世一週年紀念專刊

一二

附國民政府指令

等七七〇號

令國府委員古公治喪處

據呈請頒發古故委員應芬墓碑文由

據呈已悉故委員德美瑤琨勳隆柱石既崇飾終之典宜有封墓之文據序謨烈毋戾於至公昭紀鴻懿要歸於實錄庶幾山河帶礪陵谷馨香撫安道之遺鑄認康成之瑩兆合將碑文令發仰徵瓦匠式鏤貞珉於戲稽落勳名世壽燕然之石襄陽憑吊淚零羊祜之碑昭示來茲永垂不朽此令

二十年十二月七日

湘翁先生逝世週年紀念

高山景行

陳濟棠題



湘翁逝世倏已周年

痛國事之蝸蟻孰匡危而扶
顛誓竭有生之餘力以慰老
友於九泉

鄧澤如敬題



人之云亡
邦國殄瘁

湘芹先生逝世週年紀念

林直勉



勤

德

惟

光

勸

勤

先生

逝世

一週

紀念

余

漢

詩

題

